



**JAMHURI YA MUUNGANO WA TANZANIA  
BUNGE LA TANZANIA**

**ORODHA YA SHUGHULI ZA LEO**

**MKUTANO WA ISHIRINI**

**KIKAO CHA KUMI NA NANE**

**28 JUNI 2010**



## **ORODHA YA SHUGHULI ZA LEO**

### **MKUTANO WA ISHIRINI**

**KIKAO CHA KUMI NA NANE – TAREHE 28 JUNI, 2010**

#### **I. HATI ZA KUWASILISHA MEZANI:**

##### **WAZIRI WA AFYA NA USTAWI WA JAMII:**

Hotuba ya Bajeti ya Waziri wa Afya na Ustawi wa Jamii kwa Mwaka wa Fedha, 2010/2011.

##### **MWENYEKITI WA KAMATI YA HUDUMA ZA JAMII:**

Taarifa ya Kamati ya Huduma za Jamii kuhusu utekelezaji wa majukumu ya Wizara ya Afya na Ustawi wa Jamii kwa Mwaka wa Fedha 2009/2010

pamoja na maoni ya Kamati kuhusu Makadirio ya Matumizi ya Wizara hiyo kwa Mwaka wa Fedha, 2010/2011.

## **MSEMAJI MKUU WA KAMBI YA UPINZANI KUHUSU WIZARA YA AFYA NA USTAWI WA JAMII:**

Taarifa ya Msemaji Mkuu wa Kambi ya Upinzani kuhusu Makadirio ya Matumizi ya Wizara ya Afya na Ustawi wa Jamii kwa Mwaka wa Fedha 2010/2011.

## **WAZIRI WA MIUNDOMBINU:**

Randama za Makadirio ya Matumizi ya Wizara ya Miundombinu kwa Mwaka wa Fedha 2010/2011.

## **II. MASWALI:**

### **OFISI YA WAZIRI MKUU:**

#### **121. MHESHIMIWA ESTHER KABADI NYAWAZWA (VITI MAALUM):**

Atamuuliza Mheshimiwa Waziri Mkuu:-  
Hospitali ya Wilaya Geita licha ya

kuhudumia Kata (33) ina Madaktari Bingwa wawili (2) tu, na upanuzi wa hospitali unasuasua na utawala ni mbovu:-

Je, ni lini Serikali itarekebisha matatizo hayo.

**122. MHESHIMIWA HAFIDH ALI TAHIR (DIMANI):**

Atamuuliza Mheshimiwa Waziri Mkuu:-  
Moja kati ya sababu zinazosababisha wanafunzi wengi kufeli katika mitihani yao ni ukosefu wa maabara mashuleni:-

(a) Je, ni asilimia ngapi ya shule za Serikali (za sekondari na msingi) zenye maabara na ngapi hazina maabara;

(b) Je, ni asilimia ngapi ya shule za seminari zina maabara na ngapi zisizo na maabara ambazo Serikali imezisaidia.

**WIZARA YA MAWASILIANO, SAYANSI NA  
TEKNOLOJIA:**

**123. MHESHIMIWA KAPT. JOHN DAMIANO  
KOMBA (MBINGA MAGHARIBI):**

Atamuuliza Mheshimiwa Waziri wa Mawasiliano, Sayansi na Teknolojia:- Kampuni ya simu ya **TIGO** ilijenga mnara wa mawasiliano kwenye Mji mdogo wa Lituhi tangu mwaka 2007 lakini hadi sasa haujaanza kutumika:-

- (a) Je, mnara huo utanza kutumika lini, na mawasiliano yanaweza kuwafikia wananchi wa maeneo ya Kata ya Ngumbo umbali wa kilometa 35;
- (b) Je, ni nani atalipa gharama ikiwa uharibifu wowote utatokea hasa

ikizingatiwa kuwa hakuna mlinzi  
kwenye eneo hilo.

**WIZARA YA KILIMO, CHAKULA NA USHIRIKA:**

**124. MHESHIMIWA GOSBERT BEGUMISA  
BLANDES (KARAGWE):**

Atamuuliza Mheshimiwa Waziri wa Kilimo,  
Chakula na Ushirika:- Bei ya Kahawa  
inayolipwa Karagwe iko chini  
ikilinganishwa na ile inayolipwa nchi jirani  
ya Uganda:-

Je, ni kwa nini bei ya Kahawa inayolipwa  
kwa wakulima wa Uganda isilipwe pia kwa  
wakulima wa Karagwe.

**125. MHESHIMIWA TATU MUSA NTIMIZI  
(IGALULA):**

Atamuuliza Mheshimiwa Waziri wa Kilimo, Chakula na Ushirika:- Mkoa wa Tabora ni moja kati ya Mikoa inayolima kwa wingi Tumbaku ya kukausha na ndilo zao kuu la kiuchumi kwa wananchi wa Tabora:-

- (a) Je, Serikali itawasaidia vipi wakulima wa zao hilo, ikiwa wao hutumia kuni kukaushia Tumbaku na Serikali hukataza ukataji wa miti ovyo;
- (b) Je, Serikali haioni umuhimu wa kuwapatia wakulima hao Makaa ya Mawe kama njia mbadala ya kukaushia Tumbaku yao ili kuzuia ukataji miti ovyo na hivyo kuepusha Tabora kuwa jangwa.

**WIZARA YA VIWANDA, BIASHARA NA MASOKO:**

**126. MHESHIMIWA MARIA IBESHI HEWA (VITI MAALUM):**

Atamuuliza Mheshimiwa Waziri wa Viwanda, Biashara na Masoko:- Katika Mkutano wa Bajeti ya Mwaka 2008/2009 ilitolewa hoja ya kuteketezwa kwa Kiwanda cha Ngozi cha Ilemela na Waziri mhusika aliombwa kutembelea Kiwanda hicho:-

Je, Waziri alitimiza ombi hilo na anasema nini kuhusu kukifufua kiwanda hicho.

**WIZARA YA KATIBA NA SHERIA:**

**127. MHESHIMIWA MICHAEL LEKULE LAIZER (LONGIDO):**

Atamuuliza Mheshimiwa Waziri wa Katiba na Sheria:- Wilaya ya Longido haina Hakimu wa Wilaya jambo linalowafanya wananchi wake kufuata huduma za Kimahakama kwenye Mahakama ya Wilaya ya Monduli umbali wa zaidi ya km. 160:-

(a) Je, ni lini Serikali itajenga Mahakama ya Wilaya;

(b) Je, Serikali ipo tayari kupeleka Hakimu wa Wilaya ili kupunguza

usumbufu wa kwenda Mahakama ya Monduli.

## **WIZARA YA MIUNDOMBINU:**

### **128. MHESHIMIWA JACOB DALALI SHIBILITI (MISUNGWI):**

Atamuuliza Mheshimiwa Waziri wa Miundombinu:- Tanroads imekuwa ikiifanyia matengenezo mazuri barabara ya Misasi – Kasololo – Sumbugu – Mbarika lakini bado kuna maeneo ya Manawa Ginnery na sehemu za Sumbugu hadi Mbarika:-

Je, Serikali inasema nini juu ya kufanya matengenezo hayo kwa mwaka huu.

## **WIZARA YA NISHATI NA MADINI:**

**129. MHESHIMIWA HERBERT JAMES  
MNTANGI (MUHEZA):**

Atamuuliza Mheshimiwa Waziri wa Nishati na Madini:- Maeneo yanayotolewa leseni za utafutaji wa Madini ni makubwa kiasi cha kuingia hata ndani ya maeneo ya wananchi, ya vijiji vilivyopimwa na mashamba yenye hati:-

Je, kwa nini taarifa za utoaji leseni za utafuataji wa madini kwenye maeneo ya kijiji kilichoandikishwa zisiwekwe bayana kwa kijiji kinachohusika.

**130. MHESHIMIWA DUNSTAN DANIEL MKAPA  
(NANYUMBU):**

Atamuuliza Mheshimiwa Waziri wa Nishati na Madini:- Umeme wa gesi wa Mnazi Bay Mkoani Mtwara sasa umeshafika Masasi:-

(a) Je, ni lini sasa umeme huo utafika Wilayani Nanyumbu;

(b) Je, kuna mipango mingine mbadala ya kuipatia umeme Wilaya ya Nanyumbu.

### **III. HOJA ZA SERIKALI:**

#### **WAZIRI WA AFYA NA USTAWI WA JAMII:**

Kwamba, Bunge likubali kupitisha Makadirio ya Matumizi ya Wizara ya Afya na Ustawi wa Jamii kwa Mwaka wa Fedha, 2010/2011.

**DODOMA  
28 JUNI, 2010**

**DKT. T.D. KASHILILAH  
KATIBU WA BUNGE**